



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Tractatus Theologico-Moralis De Sacris Ecclesiasticorum Ministeriis, Hoc est, De Horis Canonicis, & Missæ Sacrificio**

**Biesmann, Caspar**

**Coloniæ Agrippinæ, Anno 1695.**

Caput VI. Statuitur Minister Sacramenti Eucharistiæ.

**urn:nbn:de:hbz:466:1-42206**

cerdotes, qui Rubricis Missalis in Sacrificio, illegitimas devotiones intermiscunt.) Interim, dum sacram Communionem distribuis, noli scrupulosè esse anxius, ne fortè communicanti des plures quam unam hostiam. Si enim præter intentionem darentur duæ hostiæ à Sacerdote Euch. distribuyente; non est de eo magnoperè laborandum, cum nō sit nisi una Communio. Dixi tempore, quo durant species in stomacho, nam Eucharistiam propriè manducare & sumere cum ejusdem effectu secundum quosdam consistit in trajectione hostiæ aut partis illius ex ore versus stomachum, secundum alios in receptione ejusdem in stomachum, undè si quis hostiam solo ore exciperet nec deglutiret, probabiliter gratiam Sacramenti non reciperet. Vid. *Suar disp. 63. sect. 4. 5. & seq.*

Quid si præter intentionem darentur duæ hostiæ à Sacerdote Euch. distribuyente.

---

## C A P U T VI.

*Statuitur Minister Sacramenti Eucharistia.*

**O**rdinarius Minister hujus Sacramenti est solus Sacerdos,  
 Ordinarius Minister est

dos, extraordinarius in casu necessitatis est Diaconus, idque ex commissione Episcopi, aut Parochi v. g. si Parochus in magno Festo esset occupatus concionibus, aut confessionibus audiendis, poterit dispensationem Eucharistiæ committere Diacono. Vid. *C. presente, dist. 92.* Hoc tamen vix practicandum iudico, nisi id ferat consuetudo diocesana, propter admirationem, & sermones populi. Imò in extrema necessitate si evidens sit mortis periculum, nec adsit Sacerdos, qui illam dispensare possit, rectè faciet Diaconus, si se & alios communicet, & quod amplius est, si in simili necessitate non esset, qui Eucharistiam ministrare posset, quam homo laicus, rectè is faciet, si ingressus templum lotis manibus, super pelliceo indutus cum lumine sacram Hostiam è Sacratio sumat, sibi que aut alteri dispenset, hoc enim nec juri divino, nec Ecclesiastico in casu necessitatis repugnat, & si fortè aliquis textus videatur contradicere, is de extrema necessitate intelligendus non est. Vid. *Paluum tr. 21. punct. 12. Dian. &c.* Hoc tamen faciet Laicus, ut publicè dicat

solus Sacerdos, extraordinarius in casu necessitatis; Diaconus ex commissione Episcopi aut Parochi.

Quid si in casu extreme necessitatis non adesset Sacerdos aut Diaconus, qui Eucharistiam ministraret.

## 64 DE EUCHARISTIA

cat se aliquando in scholis audivisse, Ecclesiam tam piam in filios esse matrem, ut in ejusmodi extrema necessitate, nunc quoque permittat fieri, quod antiquitus fieri solebat. Constat enim antiquitus per Laicos frequenter sacram Hostiam delatam fuisse; hanc quippe ratione tolletur occasio scandali. Unde si tu quoque veneris in discrimen vitæ, nec adsit Sacerdos, qui tibi præbeat hostiam, præbe tibi ipsi, quia in dispensatione hujus Sacramenti non est absolute necesse, Ministrum esse distinctum à suscipiente. Imò quod amplius est, in magnis Festis si Sacerdos nequeat facere Sacrum, poterit ad solatium animæ suæ absente alio Sacerdote è Sacratio accipere sacram Hostiam, eamque sibi ministrare, in quo tamen scandalum aliorum, & offensivam semper cavebis. Vid. *Bonac. q. 5. punct. 1. Suar.*

& alios.

\* \* \*  
\* \* \*  
\*

CA-

Utrum Mi-  
nister à sus-  
cipiente  
Eucharist.  
necessariò  
sit distin-  
ctus.